



Inatsisartuni ilaasortaq Akitsinguaq Olsenimit, Siumut

Ileqqorlunnerup akiornissaanut tunngatillugu § 37-mut tunngasutut apeqqut nr. 2012-277-imut akissutit

12. december 2012
Sagsnr
Dok. Nr.

Inatsisartut suleriaasianni §37, imm. 1 naapertorlugu Kalaallit Nunaat Naalagaaffiit Peqatigiit imminut iluanaartinniarluni atonerluisarnermut ilaatinneqarnerisooq Naalakkersuisunut ataaniittunik apeqquteqarsimavutit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: islin@nanoq.gl
www.nanoq.gl

1) Kalaallit Nunaat Naalagaaffiit Peqatigiit imminut iluanaartinniarluni atonerluisarnermut isumaqatigiissutaanut Danmarkip 2005-imi atuutilersitaanut ilaatinneqarpa? Naalakkersuisut tamatumunnga angissagunik, imaluunniit Kalaallit Nunaat Naalagaaffiit Peqatigiit imminut iluanaartinniarluni atonerluisarnermut ilaatinneqanngippat, tulluuttut akineqarnissaat kissaatigineqarpoq:

Akissut:

10. december 2003-mi Danmarkip isumaqatigiissummik atsiugaqarnera 26. december 2006-imilu isumaqatigiissutip atortussanngortinnera http://treaties.un.org/Pages/ViewDetails.aspx?src=IND&mtdsg_no=XVIII-14&chapter=18&lang=en#2-mi takuneqarsinnaavoq. Aammattaaq atsiornnerminut atatillugu Danmarkip imatut nangaassuteqarnera: "With the following territorial exclusion: ... until further decision, the Convention shall not apply to the Faeroe Islands or to Greenland" allassimavoq.

2) Sooq Kalaallit Nunaat ilaatinneqanngila?

Akissut:

Nangaassutaasoq pissutigalugu Kalaallit Nunaat ilaasuunngilaq.

3) Danmarkip Naalagaaffiit Peqatigiit imminut iluanaartinniarluni atonerluisarnermut isumaqatigiissutaanut ilanngunneranut atatillugu Kalaallit Nunaat, tassungalugu ilanngullugit Kalaallit Nunaanni Namminersorlutik Oqartussat, aamma/imaluunniit Kalaallit Nunaanni Namminersornerullutik Oqartussat tusarniaaffigineqarsimappat?

Akissut:

Pinerluutit suliarineqartarnerannut allaffiup 12. september 2006-imit allakkiaani isumaqatigiissummik Danmarkip akuersissuteqarneranut atortussanngortitsineranullu atatillugu Kalaallit Nunaata tusarniaavigineqarsimanera allassimanngilaq. <http://www.ft.dk/samling/20051/almDEL/reu/bilag/837/305582.pdf> . Aammattaaq isumaqatigiissutaasumik danskinit akuersissuteqarlunilu atortussanngortitsineranut

atatillugu Kalaallit Nunaata tusarniaaffigineqarsimannginnera Nunanut allanut Ministereqarfimmit uppersarneqarpoq. Piffissami pineqartumi nunani tamalaani isumaqatigiissutinik akuersissuteqartarnermi periusiusartoq tassaasoq "manna tikillugu akuersissutigisaq Kalaallit Nunaannut atuutissanngitsoq, illuinnarsiortutulli Kalaallit Nunaannut atuuttussanngorlugu siammartinneqarsinnaasutut nalunaarutigineqarsinnaasoq" Nunanut allanut Ministereqarfiup ilisimatitsissutigisimavaa.

4) Tusarniaaneq sumi piva, imaluunniit naalakkersuisoqarfiup sorliup tusarniaaneq ingerlappaa, kinalu tusarniaanermut tassunga taassumalu inerneranut akisussaava?

Akissut:

Qulaaniittoq pissutigalugu akissuteqarfigineqanngilaq

5) Tusarniaaneq akissuteqarfigineqarsimanngippat, sooq tusarniaaneq akineqarsimanngila, tamatumunnga suna tunngavigineqarpa, tamannalu allakkatigut tunngavilersorneqarsimava?

Akissut:

Qulaaniittoq pissutigalugu akissuteqarfigineqanngilaq

6) Siuliani Naalagaaffiit Peqatigiit isumaqatigiissutaata Kalaallit Nunaanni atuutilersinneqarsimannginnera pillugu apeqqutigineqartut ilaat aappimik akineqarsinnaappata, isumaliutersuutit suliniutillu suut tamatumani isumaliutaappataamma pineqartoq pillugu Kalaallit Nunaanni inatsisiliornermut tunngatillugu aammalu assersuutigalugu suliniutinut angisoorsuarnut inatsimmut tunngatillugu?

Akissut:

Kalaallit Nunaannut pinerluttulerinermi inatsimmi akiliilluni peqquserlutsitsineq pinerlunninngortinneqarpoq § 38, 48 aamma 117-ikkut. Atorfimmi ileqqorlunnermut tunngatillugu inatsisiliornikkut annertunerusumik suliaqartoqarnissaanut tunngavissaqartoqarsimanngilaq.

Atorfimmi ileqqorlunnerup pinaveersaarnissaanik akiorneqarnissaanillu siuarsagaqarnissamik nukittorsaarnissamillu, ilanngullugulu tamatumani nunani tamalaani suleqatigiinnermik siuarsaarnissamik FN-ip atorfimmi ileqqorlunnermut isumaqatigiissutaa siunertaqarpoq. Pinerluttulerinermi inatsiseqarfiusumi naalagaaffiit arlallit akornanni sakkut annertunerpaat ilagaat. Isumaqatigiissut kapitalinik arfineq-pingasunik immikkoortoqarpoq. Kapitali I-imi (artikel 1-4) isumaqatigiissutip siunertaa atugaaffialu nalunaarsugaapput, soorlulusooq isumaqatigiissummi qitiusutut oqaatsit atorineqartut nassuiarneqarlutik. Kapitalini II-mi aamma III-mi (artikel 5-42) naalagaaffiisumi iliuuserisassaasut pillugit aalajangersakkat ipput. Kapitali IV (artikel 43-50) nunani tamalaani suleqatigiinneq pillugu aalajangersakkanik imaqqarpoq. Kapitali V (artikel 51-59) pisuussutaasut uterteqqinnissaat pillugit aalajangersakkat ipput, kapitali VI (artikel 60-62) teknikkikkut ikiutissat paasissutissanillu paarlaateqatigiit-tarnerit pillugit aalajangersakkanik imaqqarluni. Kapitali VII (artikel 63-64)-imi atuutsitsi-

lernermit ingerlatsissutit pillugit aalajangersakkat ipput. Kapitali VIII (artikel 65-71)-miipput atuutsitsilerneq, nangaassuteqarsinnaaneq il.il. pillugit inaarutaasunik aalajangersakkat arlallit ipput.

7) Naalagaaffiit Peqatigiit imminut iluanaartinniarluni atonerluisarnermut isumaqatigiissutaa Kalaallit Nunaannit ilannguffigineqarnissaa pillugu Naalakkersuisut isumaliutersuuteqarpat? Taamaattoqanngippat, tamatumunnga tunngatillugu suut tunngavigineqarpat?

Akissut:

Atorfimmi ileqqorlunnerup akiornissaanut FN-ip isumaqatigiissutaanut ilanngunnissamut sulii pilersitsiniartoqanngilaq. Taamaattumillu akuersissuteqarnermut kingunerisassanik imaluunniit aningaasartuutitut tunngasunik iternga tikillugu misissueqqissaartoqarsimangilaq

8. Naalakkersuisut aappimik akisinnaanerminni, Naalagaaffit Peqatigiiffiata imminut iluanaartinniarluni atonerluisarnermut isumaqatigiissutaanut atatillugu malitassiat suut Naalakkersuisut isumaliutiminnut atatillugu Kalaallit Nunaanni innuttaasunut saqqummiutilersaarpat, suut ullumikkut atuutilersinneqassamaarpat, suullu siunissami atuutilissappat?

Akissut:

Malittarisassaasinnaasunik suliaqarnissaq qulaani ingerlassassatut pineqartunik utaqqisaqassaaq.

Inussiarnersumik inuulluaqqusillunga



Ove Karl Berthelsen



22. november 2012

Inatsisartut suleriaasianni § 37 naapertorlugu matumuuna Naalakkersuisunut apeqquiti imaattut saqqummiuppakka:

Kalaallit Nunaat Naalagaaffiit Peqatigiit imminut iluanaartinniarluni atornerluisarnermut isumaqatigiissutaanut ilaanersoq pillugu apeqquiti

1. Kalaallit Nunaat Naalagaaffiit Peqatigiit imminut iluanaartinniarluni atornerluisarnermut isumaqatigiissutaanut Danmarkip 2005-imi atuutilersitaanut ilaatinneqarpa?
Naalakkersuisut tamatumunnga angissagunik, imaluunniit Kalaallit Nunaat Naalagaaffit Peqatigiit imminut iluanaartinniarluni atornerluisarnermut ilaatinneqanngippat, tulluuttut akineqarnissaat kissaatigineqarpoq:
2. Sooq Kalaallit Nunaat ilaatinneqanngila?
3. Danmarkip Naalagaaffiit Peqatigiit imminut iluanaartinniarluni atornerluisarnermut isumaqatigiissutaanut ilanngunneranut atatillugu Kalaallit Nunaat, tassungalu ilanngullugit Kalaallit Nunaanni Namminersorlutik Oqartussat, aamma/imaluunniit Kalaallit Nunaanni Namminersornerullutik Oqartussat tusarniaaffigineqarsimappat?
4. Tusarniaaneq sumi piva, imaluunniit naalakkersuisoqarfup sorliup tusarniaaneq ingerlappaa, kinalu tusarniaanermut tassunga taassumalu inerneranut akisussaava?
5. Tusarniaaneq akissuteqarfigineqarsimanngippat, sooq tusarniaaneq akineqarsimanngila, tamatumunnga suna tunngavigineqarpa, tamannalu allakkatigut tunngavilersorneqarsimava?
6. Siuliani Naalagaaffiit Peqatigiit isumaqatigiissutaata Kalaallit Nunaanni atuutilersinneqarsimannginnera pillugu apeqquutigineqartut ilaat aappimik akineqarsinnaappata, isumaliutersuutit suliniutillu suut tamatumani isumaliutaappataamma pineqartoq pillugu Kalaallit Nunaanni inatsisiliornermut tunngatillugu aammalu assersuutigalugu suliniutinut angisoorsuarnut inatsimmut tunngatillugu?
7. Naalagaaffiit Peqatigiit imminut iluanaartinniarluni atornerluisarnermut isumaqatigiissutaa Kalaallit Nunaannit ilannguffigineqarnissaa pillugu Naalakkersuisut isumaliutersuuteqarpat? Taamaattoqanngippat, tamatumunnga tunngatillugu suut tunngavigineqarpat?
8. Naalakkersuis